



**PRIMEIRU-MINISTRU**

**DISKURSU  
SUA EXELÉNSIA PRIMEIRU-MINISTRU  
REPÚBLIKA DEMOKRÁTIKA TIMOR-LESTE,  
KAY RALA XANANA GUSMAO.**

**IHA SIMEIRA ASEAN BA DA-11-ESTADUS UNIDUS AMÉRIKA**

**Jakarta, Indonézia, loron 6 fulan-setembru tinan 2023**



Palácio do Governo,  
Avenida Presidente Nicolau Lobato,  
Dili, Timor-Leste

Obrigadu, Señor Presidente

Vosa Majestade

Exelentísimus Lideres ASEAN,

Exelentísimu Vise-Prezidente Estados Unidos Amérika

Distinta señoras no Señores

Uluk nana'in, permite ha'u hodi hato'o ha'u-nia sinsera apresiasaun ba Prezidente ASEAN ne'ebé konvida ha'u atu observa parseria positiva entre ASEAN ho Estados Unidos Amérika no hato'o liafuan badak ida-ne'e.

Ha'u mós hakarak felisita Indonézia ba nia servisu exelente hanesan País Koordenadór ba relasoins diálogu ASEAN-Estados Unidos Amérika.

Partisipasaun Timor-Leste iha sorumutuk hotu-hotu ASEAN nian nu'udar observadór loke ona dalan ho significativu ba ami-nia preparasaun atu sai membru plenu direitu. Tanba ne'e, ha'u hakarak hato'o ami-nia sinsera apresiasaun ba Repúblika Indonézia, nu'udar Prezidente ASEAN, no ba Estadu Membru sira hotu ASEAN nian, ba sira-nia apoiu no empenhu ne'ebé maka'as iha ami-nia prosesu adezaun.

Estados Unidos Amérika nu'udar parseiru dezvoltimentu importante no belun boot ida Timor-Leste nian. Estados Unidos no Timor-Leste iha relasaun bilaterál ne'ebé di'ak tebes bazeia ba interese no valór sira ne'ebé hanesan, no Timor-Leste iha kompromisu atu hametin no hakle'an ami-nia parseria.

Timor-Leste mós agradese ba apoiu Estados Unidos nian ba ami-nia ambisaun atu adere ba ASEAN no ami espera bele hametin ami-nia kolaborasaun kona-ba ida-ne'e, hodi sai membru plenu direitu ba ASEAN.

Ikus liu, Timor-Leste apresia rekoñesimentu husi Estados Unidos ba sentralidade ASEAN iha Arkitetura Rejionál ne'ebé nafatin iha evolusaun no kompromisu hodi Implementa Planu Asaun iha ámbito Parseria Diálogu ASEAN-EUA nian.

Obrigadu, Señores Koprezidentes.